

Dixit autem serpens ad mulierem : Nequáquam morte moriémini. Scit enim Deus quod in quocúmque die comedéritis ex eo, aperiéntur óculi vestri : et éritis sicut dii, sciéntes bonum et malum.

**R.** Per unum hóminem peccátum in hunc mundum intrávit, in quo omnes peccavérunt. \* Ne tímeas María, invenisti grátiam apud Deum. **V.** Eripuit Dóminus ánimam tuam de morte, et contra inimicum factus est protector tuus. — Ne tímeas.

**Lectio ij.**

**V**idit ígitur múlier quod bonum esset lignum ad vescéndum, et pulchrum óculis, aspectúque delectábile : et tulit de fructu illius, et comédit : deditque viro suo, qui comédit. Et apérti sunt óculi ambórum : cumque cognovissent se esse nudos, consuérunt fólia ficus, et fecérunt sibi perizómata. Et cum audissent vocem Dómini Dei deambulántis in paradiso ad auram post meridiem, abscondit se Adam et uxor ejus a fácie Dómini Dei in medio ligni paradisi.

**R.** Transíte ad me om-

nes qui concupíscitis me :

\* Et narrábo vobis quanta fecit Deus ánimæ meæ.

**V.** Vivit Dóminus, quóniam adimplévit in me misericórdiam suam. — Et narrábo.

**Lectio iij.**

**V**ocavitque Dóminus Deus Adam, et dixit ei : Ubi es? Qui ait : Vocem tuam audivi in paradiso; et tímui, eo quod nudus essem, et abscondi me. Cui dixit : Quis enim indicávit tibi quod nudus esses, nisi quod ex ligno de quo præcéperam tibi ne coméderes, comedisti? Dixitque Adam : Múlier, quam dedisti mihi sóciam, dedit mihi de ligno, et comédi. Et dixit Dóminus Deus ad mulierem : Quare hoc fecisti? Quæ respóndit : Serpens decépit me, et comédi. Et ait Dóminus Deus ad serpéntem : Quia fecisti hoc, maledíctus es inter ómnia animántia, et béstias terræ : super pectus tuum gradiéris, et terram cómedes cunctis diébus vitæ tuæ. Inimicitias ponam inter te et mulierem, et semen tuum et semen illius : ipsa cónteret caput tuum, et tu insidiaberis calcáneo ejus.

**R.** Elécta mea cándida sicut nix in Líbano; sicut favus distillans lábia ejus:

\* Mel et lac sub lingua illius. **V.** Veni de Líbano sponsa mea, veni coronaberis coronágratiárum. — Mel. Glória Patri. Mel.

**In II. Nocturno.**

**Aña.** Diffúsa est grátia \* in Conceptione ejus, et speciósa apparuit inter filias hóminum.

**Aña.** Adjúvit eam \* Deus mane dilúculo; sanctificávit tabernáculum suum Altíssimus.

**Aña.** Gloriósa \* dicta sunt de te, Cívitas Dei; fundávit te Dóminus in móntibus sanctis.

**V.** In hoc cognóvi quóniam voluísti me. **R.** Quóniam non gaudébit inimicus meus super me.

Ex Bulla dogmática Pii Papæ noni.

**Lectio iv.**

**P**sissima verba, quibus divínæ Scripturæ de increáta Sapiéntia loquúntur, ejusque sempitérnas orígines repræséntant, consuévít (Ecclesiá) tum in ecclesiásticis officiis, tum in sacrosáncta litúrgia adhibéret ad illius Virgínis primór-

dia transférre, quæ uno eodémque decreto cum divínæ Sapiéntiæ incarnatione fuerant præstituta. Quamvis autem hæc ómnia penes fídeles ubique prope recépta osténdant, quo stúdio ejusmodi de Immaculáta Virgínis Conceptione doctrinam ipsa quoque Romána Ecclesiá ómnium Ecclesiárum mater et magístra fuerit prosecúta, tamen illústria hujus Ecclesiæ facta digna plane sunt, quæ nominatim recenseántur, cum tanta sit ejusdem Ecclesiæ dignitas atque auctóritas, quanta illi omnino debéatur, quæ est cathólicæ veritátis et unitátis centrum, in qua solum inviolábíliter fuit custodíta religio, et ex qua traducem fidei reliquæ omnes Ecclesiæ mutuéntur oportet.

**R.** Ego ex ore Altíssimi prodívi, primogénita ante omnem creaturam : ego feci in cœlis ut orirétur lumen indeficiens. \* Nondum erant abyssi, et ego jam concépta eram. **V.** Deus enim creávit me in justítia, et apprehéndit manum meam, et servávit me. — Nondum.

**Lectio v.**

**I**Taque eadem Romána Ecclésia nihil pótius hábuit, quam eloquentissimis quibúsque modis Immaculátam Vírginis Conceptionem, ejúsque cultum et doctrínam assérere, tuéri, promovére et vindicáre. Enim vero prædecessóres nostri veheménter gloriáti sunt apostólica sua auctoritáte festum Conceptionis in Romána Ecclésia institúere, ac próprio Officio, propriáque Missa, quibus prærogativa immunitátis ab hereditária labe manifestissime asserebátur, augére, honestáre et cultum jam institútum omni ope promovére, amplificáre, sive erogátis indulgéntiis, sive facultáte tribúta civitátibus, provinciis regníque, ut Deíparam sub título Immaculátæ Conceptionis patrónam sibi delígerent, sive comprobátis sodalitatibus, congregatióibus, religiosisque famíliis ad Immaculátæ Conceptionis honórem institútis, sive láudibus eórum pietáti delátis, qui monastéria, xenodochía, altária, templa sub Immaculáti Concéptus título exérent, aut sacraménti

religióne interpósita Immaculátam Deíparæ Conceptionem strénue propugnáre spopónderint.

**R.** Nihil inquinátum in eam incúrrit: \* Candor est lucis æternæ et spéculum sine mácula. **V.** Est enim hæc speciósior sole, et luci comparáta invenitur púrior. — Candor est.

**Lectio vi.**

**I**Nsuper summópere lætáti sunt decérnere Conceptionis festum ab omni Ecclésia esse habéndum eódem censu ac número quo festum Nativitátis, idémque Conceptionis festum cum octáva ab univérsa Ecclésia celebrándum, et ab ómnibus inter ea quæ præcépta sunt, sancte coléndum, ac pontificiam capéllam in patriarcháli nostra Liberiána basilica die Vírginis Conceptionis sacro quotánnis esse peragendam. Atque exoptátes in fidélium ánimis quotidie famíliis ad Immaculátæ Conceptionis doctrínam, eorúmque pietátem excitáre ad ipsam Vírginem sine labe origináli concéptam coléndam et venerándam, gavísi sunt quam libentis-

sime facultátem tribúere, ut in Lauretánis Litaníis, et in ipsa Missæ Præfatióne Immaculátus ejúsdem Vírginis proclamarétur Concéptus, atque ádeo lex credéndi ipsa supplicándi lege statuerétur.

**R.** Signum magnum apparúit in cælo: Múlier amicta sole, et luna sub pédibus ejus: \* Et in cápite ejus coróna stellárum duódecim. **V.** Induit eam Dóminus vestiméntis salútis, induménto justítiæ, et quasi sponsam ornávit eam monilibus suis. — Et in cápite. **Gloria Patri.** Et in cápite.

**In III. Nocturno.**

**Añá.** Sanctimónia et magnificentia \* in Conceptione ejus; annuntiáte in ómnibus pópulis glóriam ejus.

**Añá.** Lætámini omnes \* in Dómino: et confitémini memóriæ sanctitátis ejus.

**Añá.** Notum fecit \* Dóminus opus suum: in conspéctu géntium revelávit glóriam Genitricis suæ.

**V.** Exaltábo te Dómine, quóniam suscepisti me.

**R.** Nec delectásti inimicos meos super me.

Léctio sancti Evangélii secúndum Lucam.

**Lectio vii. Cap. j. c**

**I**N illo témpore: Misus est Angelus Gábriel a Deo in civitátem Galilææ, cui nomen Náza-reth, ad vírginem desponsátam viro, cui nomen erat Joseph, de domo David, et nomen vírginis María. Et réliqua.

Homília sancti Bernárdi Abbátis.

**Ex Homil. ij, super Missus.**

**E**táre, pater Adam, sed magis tu, o Heva mater, exsúlta, qui sicut ómnium paréntes, ita ómnium fuístis peremptóres; et quod infelícus est, prius peremptóres quam paréntes. Ambo, inquam, consolámini super filia, et tali filia: sed illa ámplius de qua malum ortum est prius, cujus opprobrium in omnes pertransívit mulieres. Instat namque tempus, quo jam tollátur opprobrium, nec hábeat vir quid causétur advérsus féminam; qui útique, dum se imprudénter excusáre conarétur, crudéliter illum accusáre non cunctátus est, dicens: Múlier quam dedísti mihi, dedit mihi

de ligno, et comédi. Propterea curre Heva ad Mariam; curre mater ad filiam; filia pro matre respondeat: ipsa matris opprobrium auferat; ipsa patri pro matre satisfaciat: quia ecce si vir ceciderit per feminam, jam non erigitur nisi per feminam.

**R.** Hortus conclusus soror mea sponsa, hortus conclusus, fons signatus: \* Emissiones tuæ paradysus, o Maria. **V.** Aperi mihi soror mea, amica mea, columba mea, immaculata mea. — Emissiones.

**Lectio viij.**

**Q**uid dicébas, o Adam? Mulier quam dedisti mihi, dedit mihi de ligno, et comédi. Verba malitiæ sunt hæc quibus magis augeas quam deleas culpam. Verumtamen Sapiëntia vicit malitiam, cum occasionem veniæ, quam a te Deus interrogando elicere tentavit, sed non potuit, in thesauro indeficientis suæ pietatis invenit. Redditur nempe femina pro femina, prudens pro fatua, humilis pro superba, quæ pro ligno mortis gustum tibi porrigat vitæ, et pro venenoso cibo illo amari-

tudinis, dulcedinem patriæ fructus æterni. Muta ergo iniquæ excusationis verbum in vocem gratiarum actionis, et dic: Domine, mulier, quam dedisti mihi, dedit mihi de ligno vitæ, et comédi; et dulce factum est super mel ori meo, quia in ipso vivificasti me. Ecce enim ad hoc missus est Angelus ad Virginem. O admirandam et omnino honore dignissimam Virginem; o feminam singulariter venerandam, super omnes feminas admirabilem, paréntum reparatricem, posterórum vivificatricem.

**R.** Magnificat ánima mea Dominum: \* Quia fecit mihi magna qui potens est, et sanctum nomen ejus. **V.** Ecce enim ex hoc beatam me dicent omnes generationes. — Quia. Glória Patri. Quia.

**Lectio ix.**

**Q**uam tibi aliam prætentavit, sed non potuit, quando ad serpéntem ait: Inimicitias ponam inter te et mulierem? Et si adhuc dubitas, quod de Maria dixerit, audi quod sequitur: Ipsa conteret caput tuum. Cui hæc servata victória est, nisi Mariæ? Ipsa pro-

cul dubio caput contrivit venentum, quæ omnimodam maligni suggestionem tam de carnis illécebra, quam de mentis superbia deduxit ad nihilum. Quam vero aliam Salomon requirébat, cum dicébat: Mulierem fortem quis inveniet? Noverat quippe vir sapiens hujus sexus infirmitatem, fragile corpus, lubricam mentem. Quia tamen et Deum légerat promississe, et ita vidébat congruere, ut qui vicerat per feminam, vinceretur per ipsam, vehementer admirans aiébat: Mulierem fortem quis inveniet? Quod est dicere: si ita de manu feminae pendet et nostra omnium salus, et innocentia restitútio, et de hoste victória: fortis omnino necesse est ut provideatur, quæ ad tantum opus possit esse idonea.

Te Deum laudamus. 20.

**AD LAUDES,**

**et per Horas, Añæ.**

1. Tota pulchra es \* Maria, et mácula originális non est in te.

**Psalmi de Dominica. 21.**

2. Vestiméntum tuum \* candidum quasi nix, et fácies tua sicut sol.

3. Tu glória Jerúsalem, \* tu lætítia Israel, tu honorificentia pópuli nostri.

4. Benedicta es tu, \* Virgo Maria, a Dómino Deo excélsio præ omnibus mulieribus super terram.

5. Trahe nos \* Virgo immaculata, post te currémus in odórem unguentórum tuórum.

**Capitulum. Prov. viij. c**

**D**ominus possédit me in inítio viarum suarum, antequam quidquam faceret a principio. Ab ætérno ordinata sum, et ex antiquis antequam terra fieret. Nondum erant abyssi, et ego jam concepta eram.

**Hymnus.**

**O** Gloriósa Virginum, Sublímis inter sídera, Qui te creávit, párvulum Lactente nutris úbere.

Quod Heva tristis abstulit,

Tu reddis almo gérmine: Intrent ut astra flébiles, Cœli reclúdis cárdines.

Tu Regis alti jánuam, Et aula lucis fúlgida: Vitam datam per Virginem

Gentes redemptæ pláudite.

Jesu, tibi sit glória, Qui natus es de Virgine,

Cum Patre, et almo Spí-  
ritu,  
In sempitérna sæcula.

Amen.

**V.** Immaculáta Concé-  
ptio tua Dei Génitrix Vir-  
go. **R.** Gáudium annun-  
tiávit univérso mundo.

**Ad Bened. Aña.** Ait Dó-  
minus Deus \* ad serpén-  
tem : Inimicitias ponam  
inter te et mulierem, et  
semen tuum et semen il-  
líus : ipsa cónteret caput  
tuum.

**Oratio.**

**D**Eus, qui per Immacu-  
látam Virginitatis Con-  
ceptionem dignum Fílio  
tuo habitáculum præpa-  
rásti : quæsumus, ut qui  
ex morte ejúsdem Fílii tui  
prævísa, eam ab omni labe  
præservásti, nos quoque  
mundosejus intercessióne  
ad te pervenire concédas.  
Per eúmdem Dóminum.

**Ad Primam, in R. br.**

**V.** Qui natus es de María  
Virgine.

**AD TERTIAM.**

**Capitulum. Prov. viij. c**

**D**ominus possédit me  
in initio viárum suá-  
rum, ántequam quidquam  
fáceret a principio. Ab  
ætérno ordináta sum, et  
ex antiquis ántequam ter-

ra fieret. Nondum erant  
abyssi, et ego jam concé-  
pta eram.

**R. br.** Deus omnipotens,  
\* Præcínxit me virtúte.  
Deus. **V.** Et pósuit immaculátam viam meam. Præcínxit. **Glória Patri.** Deus omnipotens.

**V.** In hoc cognóvi, quóniam voluísti me. **R.** Quóniam non gaudébit inimícus meus super me.

**Tempore Paschali.**

**R. br.** Deus omnipotens  
præcínxit me virtúte, \* Al-  
lelúia, allelúia. Deus. **V.** Et  
pósuit immaculátam viam  
meam. Allelúia, allelúia.  
**Glória Patri.** Deus.

**V.** In hoc cognóvi, quóniam voluísti me, allelúia.  
**R.** Quóniam non gaudébit inimícus meus super me, allelúia.

**AD SEXTAM.**

**Capitulum. Ezech. xliij.**

**P**orta hæc clausa erit,  
non aperiétur, et vir  
non intrábit per eam,  
quóniam Dóminus Deus  
Israel ingressus est per  
eam : erítque clausa Prín-  
cipi. Princeps ipse sedébit  
in ea.

**R. br.** In hoc cognóvi  
\* Quóniam voluísti me. In  
hoc. **V.** Quóniam non gau-

débit inimícus meus super  
me. Quóniam. **Glória Pa-  
tri.** In hoc.

**V.** Exaltábo te Dómine,  
quóniam suscepísti me.  
**R.** Nec delectásti inimícos  
meos super me.

**Tempore Paschali.**

**R. br.** In hoc cognóvi,  
quóniam voluísti me, \* Al-  
lelúia, allelúia. In hoc.  
**V.** Quóniam non gaudébit  
inimícus meus super me.  
Allelúia, allelúia. **Glória  
Patri.** In hoc.

**V.** Exaltábo te Dómine,  
quóniam suscepísti me,  
allelúia. **R.** Nec delectásti  
inimícos meos super me,  
allelúia.

**AD NONAM.**

**Capitulum. Apoc. xij.**

**S**ignum magnum ap-  
páruit in cœlo : mú-  
lier amícta sole, et luna sub  
pédibus ejus, et in cápite  
ejus coróna stellárum duó-  
decim.

**R. br.** Exaltábo te Dó-  
mine, \* Quóniam susce-  
písti me. Exaltábo. **V.** Nec  
delectásti inimícos meos  
super me. Quóniam susce-  
písti. **Glória.** Exaltábo.

**V.** Immaculáta Concé-  
ptio tua Dei Génitrix Vir-

go. **R.** Gáudium annun-  
tiávit univérso mundo.

**Tempore Paschali.**

**R. br.** Exaltábo te Dó-  
mine, quóniam suscepísti  
me, \* Allelúia, allelúia.  
Exaltábo. **V.** Nec delectá-  
sti inimícos meos super  
me. Allelúia, allelúia. **Gló-  
ria Patri.** Exaltábo.

**V.** Immaculáta Concé-  
ptio tua Dei Génitrix Vir-  
go, allelúia. **R.** Gáudium  
annuntiávit univérso  
mundo, allelúia.

**IN II. VESPERIS.**

**Aña et Capitulum ut in  
Laudibus. [367]**

**Psalmi et Hymnus ut in  
Festis B. M. V. per An-  
num. [208]**

**V.** Immaculáta Concé-  
ptio tua Dei Génitrix Vir-  
go. **R.** Gáudium annuntiá-  
vit univérso mundo.

**Ad Magnificat. Aña.**  
Sancta María \* succúrre  
miseris, juva pusilláni-  
mes, réfove flébiles, ora  
pro pópulo, intérvieni pro  
clero, intercède pro devó-  
to femíneo sexu : séntiant  
omnes tuum, juvámen, qui-  
cúmque célebrant tuam  
sanctam Immaculátam  
Conceptionem.